

A

1613

3592

198

LE TONDEVX

QVI COVRT EN

CERTAINS QVARTIERS DE

la France, & pourquoy il

tient la campagne.

M. DC. XV.

L23, 12.
(manuscript 14)
pp

Acc 83-101(198)

LE TONDEUX

QUI COVRENT EN

CERTAINS QUARTIERS DE

la France, & pourquoy il


estient la campagne

M.DC.XV.

LE TONDEVX
QVI COVRT EN CER-
TAINS QVARTIERS DE LA
France, & pourquoy il tient
la campagne.

QVATRAIN.

*La Nouvelle engendre joye,
Et le change plaist au commun,
Mais le change de la monnoye,
Maintenant deplaist à chacun.*

 'Est chose bien vraye, & la verité
aussi, que qui dit vrayement doit
vray dire, comme aussi feray ie,
puis en historiant ceste histoire,
laquelle n'est du tout semblable
à celle de l'antien Fesseux, qui
fessoit si viuement les trop soirreuses ou mati-
neuses filles & femmes, ny pareillement à celle
du Tasteux (de deux ou trois ans y a) qui tatoit
& cherchoit si soigneusement dans le tablier à
bource de ces pauvres reuenderesses des Halles.
Ceste cy est d'un Tondeur de nouvelle impres-
sion, qui comme les estourneaux cherchant la
bône Vinee, c'est arresté au pays Guespin, és en-
uirons de Bou, Mardié, Checy, Loury, Venecy
& autres lieux attenants, où il a fait rage vn bon
espace de temps des pieds de deuant, car il n'en
à point derriere, tellement qu'il n'estoit bruit

que de luy en ce quartier là, comme de Gueridō en cestuy-cy, cōme i'ay sceu & appris, & comme pouuez voir en suite s'il vous plaist de prester vostre veuë patiēment, & attention vn peu plus posément que ces mauuais Lecteurs, spectateurs & mangeurs quilisent sans mediter, voyent sans contempler, & aualent sans mascher. Mais reuenons à nostre Tondeux, ainsi appellé, non pource qu'il tonds, mais de ce qu'il se faict tondre le poil du pays bas, ayant autrefois assez tond du la laine. Lequel a sans cesse pendu à sa ceinture deux ou trois paires de ciseaux bien emolus, pour mieux se faire couper la barbe culciere, excusez moy, paroles ne puent pas, & ce seulement par les femmes ou filles, n'ayant rien plus à desdain, comme vn second Timon Athenien, que la veuë & rencontre des hommes, à cause de leur fraude & malice, au rapport de celuy qui à parlé à luy desguisé en habit de femme, auquel il s'arraisonna longuement, pource qu'il se feignit & luy fit croire qu'il estoit femme vefue, & que personne n'attendoit apres elle. Ainsi luy demandant la cause de son estat & façon de viure, & pourquoy il s'estrengoit des villes, & haysoit tant la compagnie des hommes, il luy fit ceste responce, disant, ma triste condition procede de m'estre trop pleu à émonder la mousse du jardin de mes fesses qui croissoit trop souuent à mon gré, dequoy me plaignant vn iour à vn mien amy familier, (que ie croyois m'estre fidele) il me donna l'aduis d'vn faux remede, lequel ayant practiqué plusieurs fois, ie vis (comme encore ie vois) que c'estoit, & est encore pis,

pource que plus on m'en oste plus il en pre-
 croist. Ce qui m'a tant depleu & m'attriste à pre-
 sent, que ie n'ay rien si à contre-cœur que la fre-
 quentation des masles & la demeure des villes à
 cause de ceste mienne desconuenue, & pour la
 tromperie qui s'y trouue, cōme aussi de ce qu'un
 mien compaignon & cotterie vn peu plus loyal
 que l'autre, fut si rudement traicté par les mai-
 stres Iurez de nostre mestier de Tōdeux, lesquels
 pendant le chef d'œuvre qu'ils luy faisoient faire
 pour paruenir à la maistrise, n'auoient non plus
 pitié de ce qui estoit dans sa gibeciere qu'une
 chatte d'un fromage mol dans vne chaisiere ou-
 uerte, & non contans de faire chere à l'ordina-
 ire & à l'extra, & de briffer & engorger des plus
 rares viandes & vins delicats & qui se pouuoient
 recouurer, commencerent à se degouster & d'a-
 uoir à mespris les plus friands morceaux, ainsi
 que les enfans d'Israël la douce & celeste man-
 ne, & allongeans le parchemin vouloient muer
 & transformer ce pauvre pigeon en vne vache à
 lait, au lieu de donner fin à ses pretentions &
 d'abreger seruice. Dequoy (au moyē de ses bons
 amys) le Preuost dudit lieu estant aduertiy, vou-
 lant estre imbu du faict, & en auoir cognoissan-
 ce, fit assigner pardeuant luy, comme equitable
 & prudent Iuge, lesdits maistres Iurez, les-
 quels ouys & bien informé de leur abus, cautel-
 le & piperie, ordona par sentence & iugement
 soudain executé, qu'ils rengibecieroient les
 deniers par eux consumeés à la conduite trop al-
 longee du cher chef-d'œuvre de ce pauvre Ton-
 deux, & que nonobstant tous Privileges à eux

donnez & octroyez, pour le faict de ladite reception de maistrise, ledit complaignant & ladguissant seroit receu maistre en mesme pouuoir qu'eux. Ce qu'estant sceu de tous les habitans de ladite ville: Les petits garçonnets sans les grands commencerent à faire vn couplet de chanson sur l'air de celle de Gueridon, qui se chatoit ainsi:

Les pauvres Tondeux sont aux repentailles

D'auoir trop mangé de friandes cailles.

O Gueridon

En sorte que les pauvres Iurez Tondeux eurent la chasse & l'alarme vn assez long temps, n'osant presque monstrier leur gras & gros nez, refaict aux despens dudit compaignon, lesquels du depuis ont eu tout loisir de le remettre en leur premier estat, & d'en payer les verres cassez à leur grand regret, affront & scandale, Ce qui m'a induict de quitter la ville, maistres, mestier & l'enuie d'entrer en ceste maistrise, puis qu'on n'y entre que par la porte d'oree, & moy qui n'ay à peine que pour payer la façon de mon tondage fessier, comment pourrois ie paruenir en ceste qualité de maistre veu qu'il en couste tant, & lors iugeant à par moy qu'il vouloit se desguilliter pour me faire faire vn office dont il eust peu se repentir de mon seruice, ie luy fis changer de dessein, & r'entrer en discours, luy demandant pourquoy il permettoit que les femelles le seruissent en chose si deshonneſte & malseante à elles, au lieu que les masles doiuent seruir leurs semblables. Vrayement vous auez raison, dit-il, ce seroit bien pour m'acheuer de peindre, ha que ie n'ay garde de m'y fier, ie ne suis pas si fol pour

me laisser tromper deux fois, passe pour vne ie
 n'y retourne plus, craignant de pire auoir, &
 qu'ils ne me fissent seigneur de Chastre en
 Beaussé ou en Soulongne, ou de m'honorer de
 la qualité de Nonce, quant à moy ie ne suis si
 voluptueux ny curieux qu'un Eliogabale, ie ne
 veux pas qu'on me face tout vny, i'espere encor
 de m'aider quelque iour de mon escritoire, &
 d'escire en parchemin neuf ou vieil, si tost que
 mon sort prendra fin, & que ma toison peluë
 tombera tout à fait. Hé en bonne foy, dis-je aussi
 tost vous auez tort que ne vous mettez chez
 quelque bon maistre Bourelier ou tapissier, eu
 esgard au grãd profit que leur rapporteriez pour
 rembourrer leurs colliers & selles à cheuaux &
 autres bestes, ou pour remplir les matelats, chai-
 res & autres sieges de mesnage, & principalemēt
 à Paris, où les gains s'ont 'dit on' si grands &
 qu'on y trauaille en tout plus qu'ailleurs. He que
 me dites vous repliqua-il, ne vous ay-ie pas res-
 pondu que ie n'apprehende rien plus que d'estre
 Eunuque, ou qu'on me fist femme en semoc-
 quant de moy & redoubler mon mal'heur, n'ay-
 ie pas autrefois trauaillé dans ceste grande &
 bourbeuse ville dont me parlez, peut on trouuer
 hommes plus fins, trigaux & rusez à present que
 les gens de partout, lesquels aussi tost qu'ils co-
 gnoistroient mon cas fortuit m'exposeroient en
 veuë comme vn prodige ou monstre, afin de fai-
 re argent, & puis leur bougette estant pleine
 me donneroiēt du pied au cul, ou me mettroient
 entre les mains de quelque malicieux operateur
 pour me guarir à demy, ou changer mon acci-

dant en autre plus risible, hé bien, luy respondis ie, faites vous mesme ce qu'avez peur que les autres facent, & gaignez vostre argent en loüant vne maison à l'Isle, belle pour ce faire, ou au bas du pont-neuf, si aucune s'en trouue à loüer, ie m'en garderay bien, dit-il, & si ie puis mieux que de choir? Paris n'est bon qu'aux Seigneurs d'hôtels, car du temps que i'y estois, le prouerbe commun estoit tel:

Celuy-là est riche à foison

Qui dedans Paris à maison

Et pourquoy (celuy d'is-je) pource que les chambres & demeures y sont si cheres que c'est tout ce que peut faire le pauvre locataire (apres son petit viure) que de gaigner pour payer son terme & loyer, vous asseurant (me dit-il) que i'auray dans les meilleures villes du Guespinois vne assez grande & spacieuse maison pour le pris d'une chambre à Paris. Et qui plus est à mon depart, on surhaussait les loyers d'an a aultre, au grand dommage & interest du petit peuple qui gnaigne si petitement outre ce qu'il est mal payé & que tout y est si cher. C'est dōc folie de m'aduertir d'aller & retourner en vn lieu, où il à ja assez de mal aisez sans moy, qui neantmoins & en despit d'eux & de leur indigences faut qu'ils soient braues pour estre honorez & employez, Ouy da mais ce pendant (luy d'is-je) chacun ne peut pas estre riche, il faut que chacun se cōtienne en l'Estat auquel Dieu l'appelle, & ceste diuersité est necessaire au monde aussi bien que la curiosité afin que tous arts & mestiers soyent ocupez & employez, vous dittes vray (ce me

dit-il

dit-il) & me semblez bien entendue aux affaires du monde , pour vne femme de vostre sorte, & vous aussi (celui dis-je pour vn compaignon Tondeux, cependant dictes moy s'il vous plaist qui vous retient & empesche & outre vostre infirmité, quen'alliez trauailler de vostre excercice en ceste belle & grande ville en laquelle vouspourriez mieux qu'autre part treuuer femme & party pour vous retirer, C'est (me dit-il) qu'aujourd'huy ceux qui en ont en veulent aussi bien que ceux qui n'ont rien, & moy qui n'ay que le desir (Dieu me garde de de pecher, ou pourrois-je pescher quelque pucelle, n'ayant de cest appast doré, dont on prend les plus difficiles, & dauantage comme dit l'autre qui se voulut loger en vne grosse hostellerie) ou l'on le vouloit faire souper en table d'hoste) vn pauvre compaignon qui n'a que trois blancs ne peut pas manger de la carpe & du Brochet, vous voila bien empesché sans ligne (celui disie) vous n'aurez garde (ainsi faisant) de prendre quelque bon poisson (? Ne sçauiez vous pas bien que qui ne s'aduenture n'a ne cheuaux ne Mule & vous ignorez vous (me dist: la responce que qui se hazarde trop n'any Mule ny cheuaux. Au surplus il n'y a que trop de tondeux à Paris, & de lasons qui trauaillent par force & sans forces, plus la nuict que le iour, Et ie vous diray (luy disie) vous prendrez quelque bonne vielle veufue qui aura force escus ou pistolles pour vous auoir quelque estat ou office sur l'eau, j'aymerois mieux (dit-il) que ce fut sur le vin, car ie l'ayme bien, aussi dit on que le bon vin engendre

le bon sens, & le bon sens le bon entendement, lequel ayant ie regirois & gouuenerois sagement & prudemment mon petit mesnage, mais ie craindrois qu'ayant pris vne riche vieille ou vieille riche que ie ne la trompassé & que de ses ducats a quelque pris qu'on les d'eust mettre & & faire valloir à ces estats) ie ne m'en donnasse au cœur ioye sans preuoir l'aduenir comme beaucoup font estants prodigues d'un bien acquis sans peine, & ainsi d'enuoyer ma pauvre femme Ieanne en cornaille acheter de l'estaing sonnans: c'est pourquoy comme disent les sages & la bonne Dame Nature, faut que chacuns'accroche à son semblable afin que le petit Monde s'agrandisse & augmente en faisant des pauvres ou riches, aussi bien tout sert au Monde, bien doncq celuy dis-ie, prenez en vne ieune pour ne point faire mal, ie le vaudrois bien (me dist il) si faire se pouuoit, & qui eust dequoy, & vous en amasserez luy d'y-ie hé ou (me dit-il) ou vous pourrez & comme vous sçauiez luy dis-ie, en vous messant de quelque bon art ou mestier & vous y rendre adroict & suffisant pour estre recherché & prisé d'un chacun. Las que me cōtez vous en estes vous encore la, auez vous oublié ceste vieille sentence qui dit que les Cheuaux paissent l'herbe, & que les Asnes mangent le foin, ne recognoissez vous pas aussi qu'en ce temps cy chacun se plaint chacun se deult chacun sattriste chacun s'ennuie & soucie de ne point profiter cōme si chacun auoit le carreau: la poitrine tombee ou le brechet desmanché, encor chacun veut estre pompeux, miste & galant

mousqué & redressé malgré lincommodité son
 rang & sa qualité, & neantmoins que chacun se
 plaigne du peu de gain chacun toutesfois veut
 estre braue & fringuant, en sorte que maintenant
 le damas velours & satin aux indignes est si com-
 mun que le taffetas leur est mesquin, d'autre
 part ils s'en trouue qui sont si auares chiches &
 pincemailles qu'ils n'osent (comme on dit boi-
 re de peur de pisser, & sont si chetiuement &
 mecaniquement vestus abusant de leur debvoir
 & facultez, qu'on leur donneroit volontiers
 laumosne tant ils esmouuent à pitié ceux qui les
 voyent ainsi, d'autres ayant perdu par banque-
 route quelque somme d'argent presté à interest
 (ien'ose dire vsure) les recourent & reueillēt
 sur le retranchemēt de leur ordinaire de viure &
 autres necessitez du mesnage, & d'autres sont si
 cruelz & ingrats refusant de prester la lumiere,
 de leurs Soleils absconcez (aux pauvres aueugles
 d'indigēce) qu'ils ayment mieux les tenir en ec-
 clipse continuelle que d'en bailler (à profit)
 l'vsage & la clarté, bien que les biens ne soyent
 que pour en bien vser & non les espargner inu-
 tilement, ho ho (luy dis-ie) ie ne voudrois pas
 pour grande chose ne vous auoir ouy, & pleust
 à Dieu que chacun fist aussi biē que vous scauez
 dire en representant les abus qui ont regné a-
 present aux grandes Villes, & que l'on mist pa-
 reillement bon ordre à ceux qui se commettent
 aux bourgs villages & parroisses champestres
 où la plus grand partye des gros & riche labou-
 reurs & vigneron (tranchant du pouuoir de
 Noblesse) ne craignent ny tailles ny tailleurs

par la faueur de leurs Lettres d'exemption ou d'offices, Ce qui cause souuent qu'ayant esleu pour Collecteur quelque pauvre ignorant qui ne sçayt A, ny B, se voyât mal payé & qu'on viêt faire tout net chez luy faute de fonds, coniure & maudy ses Eslians comme herbeamere, sans l'ennuieuse risque d'une longue & dure prison laissant vne pauvre femme (chargée d'enfans) se doulloit & pleindre son soul, puis vn autre plus fin & ruzé que le precedent executant le dire de Marot,) pinceant l'argent du Roy, & faisant vn trou à la Lune, troussera tout son bagage en vne belle & noire nuit. Et lors Dieu sçait, en quelle peine il met ses autres compagnons que d'ordinaire portent la marote de sa fine folie. Ainsi vous pouuez voir qu'il y a du mal & desordre aussi bien aux chāps qu'aux villes, Or (me dist-il) Dieu vueille remedier à tout, mais que toutes choses soyēt vn peu mieux reglees & obseruees qu'elles ne sont: qu'il ny aura plus de desdain mespris ny tromperie entre freres & sœurs parents & amis (quoy que les vns soyent riches & les autres necessiteux) & que ma mesadventure susdite soit cessée, Je me r'abituray en quelque bonne ville & y prendray femme, pourueu que l'estat ne soit plus si grand & extreme qu'il est, d'autant que auiourdhuy les femmes, apportans en commun quelque somme de deniers, ils en veulent auoir en doreure & brauerie bien souuent les deux tiers, si bien qu'avecq' leur doüaire l'homme n'a rien du leur, adonc voyant que son deuisage commençoit a diminuer aussi bien que le iour, & qu'il vouloit aualler ses chausses (nō

pour m'en raconter : mais pour me faire razer la criniere de son entredeux (qui s'entend sans le dire) & que ja il prenoit vne paire de ciseaux, pour me bailler à ceste intention / voicy de bonne fortune pour luy (car i'estois resolu de le chapponner) qu'il entendit le bruit & la voix de deux ou trois hōmes qui s'acheminoient vers le lieu ou nous estions qui estoit pres d'un petit, chemin & sentier, dequoy soudain saisi de peur & craignant d'estre pris comme dans un bled, il trouble ses quilles & gaigne le hault, comme s'il eust eu le feu au cul, & la mort derriere. Ainsi me voyant frustré de mes esperances pour la recompense que j'eusse recueilly des hommes, & sur tout des femmes qui l'apprehendent comme un loup blanc ou satyre. Je m'en retournay tout fasché d'un si beaucoup failly au logis de ma demeure & maison ou estant arriué & que j'eus rechangé d'habit, comme retournant de quelque ballet masquaradin, & aussi aualle mon regret avecq deux ou trois voltes de la liqueur vineuse & guespine, ie ne peu m'abstenir de raconter à mes voisins, comme i'auois failly à tromper le Tondeux, m'estant couuert d'un vestement de femme, & finissant mon conte il surueint vne mienne voisine toute effarouchée & enhazée, laquelle sur ce qu'on parloit du Tondeux pensant qu'on l'eust pris ou qu'on courust apres pour le prendre, commença à dire ou est-il ce meschant ce truand ce vilain ce coquin & impudant qui le iour d'hier au village de malaittiere, comme elle m'a dict, donna tant despouente peur, & frayeur, à

d'aucunes de ses voisines qu'il en fit perdre le
 laiët a vne ieune pucelle, la venë a deux ou trois
 aueugles & choir la barbe à vn pauvre nonson,
 Sus sus (dist-elle) qu'on luy donne la chasſe
 qu'on courre apres tout expres, qu'on trotte
 qu'on poſte qu'on le preine qu'on l'ameine ou
 ſi on ne peut qu'on le traſne, qu'on l'attrappe
 qu'on le drappe, qu'on le grippe & qu'on m'eſ-
 trippe c'et infame, Dame celuy diſ-ie, ie croy
 pour ce que cela vous eſt naturellement com-
 mun, & peut eſtre communicatif, que vous le
 dictes comunémēt. Ce qui me contraignit in-
 continent, pour la conſequence, de compoſer ce
 dicton conſecutif.

*Bien vous ſoit mes paignons ie n'oſe dire con,
 Auſſi n'aimay-je point ouir ce mot de con,
 Ie hay confus conuaincre & conuaincu pour con
 Ie hay le Calabrois à cauſe du boucon,
 Ie hay la langue Angloiſe à cauſe du V'uelcom
 Ie hay ſurtout vaisſeaux, le large & grand ſlaccon,
 Ie hay la chaude pluye à cauſe du raccon
 Ie hay Bordeaux auſſi à cauſe du gaſts-con,
 Sy par rime & raiſon Ie hay doncq tant ce con
 C'eſt qu'il eſt des vilains le ſeul viaticon.*

Tout par conſcience.

Faute au quatrain de la premiere page, liſez la nouveau-
 té pour la nouuelle.

